



UNISEL berjaya memenangi MyInovasi 2014.

PELAJAR UNISEL MENANG 'MYINOVASI 2014' PERINGKAT ZON SENTRAL

Lima orang pelajar Fakulti Sains dan Bioteknologi, UNISEL dan seorang pensyarah (penyelia) memenangi MyInovasi 2014 di peringkat zon.

Idea kumpulan tersebut adalah "Air-pressure oil palm cutter" dalam Pertandingan Memasyarakatkan Inovasi Pelajar IPT 2014.

Sebanyak 50 kumpulan pemenang yang dipilih daripada 1200 kumpulan yang menyertai program ini.

Sebagai pemenang zon sentral, mereka diberi hadiah geran sebanyak RM 5,000.00 untuk menghasilkan prototaip dan bertanding di peringkat nasional pada Disember lalu di Putrajaya. Pelajar dan fakulti berharap akan mendapat sokongan kuat universiti sepenuhnya dalam pertandingan yang bakal berlangsung nanti.

Berbangga dengan kejayaan tersebut, pihak universiti akan terus memberi perhatian atas usaha penyelidikan yang dijalankan oleh pensyarah serta pelajar.

Ini bertujuan memantau secara berterusan semua aktiviti penyelidikan, termasuk mengenalpasti 'research clusters' kepada mereka.

Sesungguhnya kejayaan para pelajar ini bukti komitmen berterusan semua pihak dalam melakar kegemilangan.



Panel pada forum berkenaan.

DIDIK GOLONGAN MUDA, BENDUNG MASALAH SOSIAL

Forum 'Bercinta selepas nikah' diadakan di UNISEL Kampus Shah Alam sebagai usaha membendung gejala sosial yang semakin menular di kalangan masyarakat pada hari ini.

Hampir 700 orang pelajar daripada Fakulti Perniagaan hadir memenuhi ruang dewan semasa program berlangsung.

Program merupakan usaha murni Kumpulan Media Karangkraf dan Takaful Ikhlas itu mendapat sambutan di kalangan para pelajar universiti.

Ia diadakan di tujuh Institut Pengajian Tinggi (IPT) dan UNISEL merupakan destinasi terakhir. Antara yang terlibat sebagai panel adalah dua blogger terkenal iaitu Dina Bahrin serta Aiman Azlan.

Program ini bertujuan untuk membantu golongan muda yang bakal mendirikan rumah tangga pada suatu hari nanti.

Diharapkan dengan adanya program seperti ini, ia secara tidak langsung dapat membantu golongan muda menghindari aktiviti tidak sihat.

UNISEL JALIN KERJASAMA STRATEGIK BERSAMA **KELANTAN MENERUSI YAKIN**



Rombongan Kerajaan Negeri Kelantan serta YAKIN bersama pengurusan kanan UNISEL.

UNISEL menerima rombongan delegasi Kerajaan Negeri Kelantan dan Yayasan Kelantan Darul Naim (YAKIN) bertempat di Kampus Shah Alam, Selangor.

Lawatan bertujuan membincangkan hubungan dua hala di antara UNISEL dan Kerajaan Negeri Kelantan menerusi YAKIN berkaitan skop pendidikan secara lebih luas selepas ini.

Rombongan diketuai oleh Timbalan Menteri Besar, Datuk Mohd Amar Abdullah diiringi Exco

Pembangunan Insan Pendidikan dan Pengajian Tinggi Kelantan, Datuk Dr Mohamed Fadzil Hassan bersama-sama dengan pengurusan kanan YAKIN.

Presiden dan Naib Canselor UNISEL, Prof Dr Anuar Ahmad dalam ucapan aluannya, mengucapkan ribuan terima kasih kepada Kerajaan Negeri Kelantan serta pihak YAKIN yang sudi hadir dengan tujuan lebih besar menerusi jalinan usahasama pendidikan selepas ini.

Beliau juga sempat berkongsi serba sedikit berkenaan latar belakang serta pencapaian terkini UNISEL termasuk penarafan Tier 5 baru-baru ini menerusi SETARA 13.

Delegasi turut diberikan taklimat ringkas berkaitan UNISEL oleh Puan Pengarah Pemasaran dan Kemasukan, Yuslina Yusoff serta Dekan Pusat Pengajian Asasi dan Umum, Prof Madya Dr Setyawan Widyarto.

UNISEL, UNSWAGATI HARAP MOU CAPAI KESAN POSITIF



Prof Dr Anuar menandatangani MoU bersama Prof Dr Rochanda.

UNISEL menandatangani perjanjian persefahaman (MoU) bersama Universiti Swadaya Gunung Jati (UNSWAGATI), Bandung, Indonesia sebagai usaha mempromosikan program-program yang ditawarkan di universiti ini.

Kedatangan seramai 14 delegasi UNSWAGATI diketuai Rektor, Prof Dr Rochanda Wiradinata.

MoU tersebut dilaksanakan bertujuan untuk membina hubungan dua hala antara kedua-dua universiti.

Ia juga bagi memastikan kedua-dua pusat pengajian menerima kesan positif daripada hubungan akademik yang terjalin.

Pada masa yang sama UNISEL melalui Fakulti Perniagaan mempromosikan dua program Ijazah Sarjana Muda serta Ijazah Doktor Falsafah.

UNISEL berharap dapat menarik lebih ramai pelajar dari UNSWAGATI untuk meneruskan pengajian di universiti ini.

Presiden yang juga merupakan Naib Canselor UNISEL, Prof Dr Anuar Ahmad turut berkongsi kejayaan yang dikecapi universiti selama ini.

Prof Dr Rochanda menyatakan kemungkinan UNSWAGATI untuk mengadakan kerjasama dengan empat fakulti di UNISEL dalam berkongsi kepakaran yang ada pada masa akan datang.

Dalam pada itu, kedua-dua universiti berharap MoU yang dijalin akan memberi manfaat yang besar dalam memastikan dapat menghasilkan graduan cemerlang.